



Hooselupf

Falls lyydisch leggt me d Schwyz uffs Gryz,
denn leer do z draage s Gryz fir d Schwyz!

✿ aCHtig: Auschwyz isch nit au Schwyz ✿

So wärde d Hoose glupft

Fir die, wo nooni sälber schwinge,
aber mit em Fremde ringe;
die, wo bi „Gang“ an Ässe dängge,
aber sich an Swissness hängge;
die, wo statt Säägmääl saag emool saage,
doch Aichlegränz scho glyy wänn draage.
Fir all die Noowuggs-Patriote
wänn mir, ass s Schwingfescht joo duet groote,
s Singe-n-und Schwinge doo kurz erglääre,
und au 10 Schwüng wo sich bewääre.

Dorum goots (dürüm güz):

Bös zu sein bedarf es wenig,
und wer bös ist,
der wird König

✿ aCHtig: Konsens isch nonsense ✿

Dr Trueerbueb 2011 (e drieb Biebli)

vo Amstutz Adrian

I bin en SVPler, u desse bin i stolz.
Mir hei vor Gring u Härze, äs Brätt us Tanneholz
Vom Übervatter Blocher bin i e treue Bueb.
Ja, i bin e Ämmitaler, i bin e Bueb vom Trueb!

D Angscht vor allem Frömde, die schwingt gärn obenus,
wenn d am Stutz, am Bärn bisch: Europa isch e Grus!
Für Nöis da fäält dr Muet!
Ja, i bin e Ämmitaler! U ds Alte isch doch guet!

Dr SP wott i's zeige, beschütze ds Vaterland.
u weni ou ke Schüss ha, nimm s Sturmgewehr doch
I ha ne sone Wuet! i d Hand.
Ja, i bin e Ämmitaler, ha d Gwalt halt scho im Blutet!

✿ aCHtig: E jeedes Schwyzer Örgeli ✿
isch Sproochroor vom Herr Mörgeli

10 Schwüng

Well Zyt isch Gäld und Gäld git Gyz
isch „**Kurz**“ dr beschti Wäg uffs Gryz.

Um Bai und Buuch Dii Arm muesch schlinge,
dr Räscht vom „**Schlungg**“ isch nur no schwinge.

Duesch Di vor em Bugge drugge
liggt der „**Lätz**“ bald uffem Rugge.

Eb Sennen oder Turner
mit „**Brienzer**“ schloot men Urner.

Dr „**Fussstich**“ isch en Ussfall-Schritt
Wo hüffig denn au Ussfäll git.

Wenn Bruscht an Bruscht sich Männer ryybe,
dr –minu muess vo „**Souplesse**“ schryybe.

Dr Pfarrer liebt dr „**Übersprung**“
s fiert nyt so schnäll zer Gryzigung

Schwyzer Schieler dien jetzt amme
in Dytschland gärn Passante „**Gammen**“.

Hesch Durscht uf Moscht bstell ungeniert
ä Shorley - „**Grittelet**“ oder griert.

Bim Berlusconi im Palazzo
maint „**Wyberhaken**“ Ruby – cazzo!

✿ aCHtig: unschwyzerischi sCHwingerclubs ✿
sinn unmoralisch und gfäärlig

D Ladäärneuusstellig isch vom Mäntig znacht
bis em Mittwoch demorge uff em Minschterplatz
www.mutze-bebbi.ch